

金石萃編

掃葉山房

唐駝署

發行

金瓶梅

卷一

第一回

一

金石萃編卷一百四十九

賜進士出身 誥授光祿大夫刑部右侍郎加七級王昶謨

宋二十七

李龍眠畫宣聖及七十二弟子像贊

像共十五石各橫廣五尺六分高一尺五寸每石五
像或六像四言贊八句第一石宣聖贊十二句並正

書在杭
州府學

高宗御製并書

朕自睦隣息兵首開學校教養多士以遂忠良繼幸太

學延見諸生濟濟在庭意甚嘉之因作 文宣王贊

機政餘閒歷取顏回而下七十二人亦為製贊用廣

列聖崇儒右文之聲復知師弟子間纓弁森森覃

精繹思之訓其於治道心庶幾焉

孔丘字仲尼魯人開元廿七年制追謚為文宣王

大哉聖宣 斯文在茲 帝王之式 古今之師

志則春秋 道由忠恕 賢於堯舜 日月其譽

維時載雍 戢此武功 肅昭盛儀 海寓聿崇

顏回字子淵魯人贈充公

德行首科 顯冠學徒 不遷不貳 樂道以居

食埃甚忠 在陋自如 宜稱賢哉 豈止不愚

閔損字子騫魯人贈費侯

天經地義 孝哉閔騫 父母 莫聞其言

汗君不仕 志氣軒軒 復我汶上 出處休焉

冉雍字仲弓魯人贈薛侯

懿德賢行 有一則尊 子也履之 成性存存

駢角有用 犁牛莫論 刑政之言 惠施元元

冉耕字伯牛魯人贈鄆侯

德以充性 行以澡身 二事在躬 日躋而新

並驅賢科 得顏與隣 不幸斯疾 命也莫俾

冉求字子有魯人贈徐侯

循良之要 在於有政 可使為宰 千室百乘

師門育材 治心扶性 退則進之 琢磨之柄

言偃字子游吳人贈吳侯

道義正己 文學擅科 為宰武城 聊以弦歌

割雞之試 牛刀謂何 前言戲爾 博約則多

宰予字子我魯人贈齊侯

辯以飾詐 言以致文 苟弗執禮 宜莫釋紛

朽木糞牆 置不足言 言語之科 雖然有聞

仲由字子路卞人贈衛侯

升堂惟光 千乘惟權 陵暴知非 委質可賢

折獄言簡 結纓禮全 惡言不耳 仲丘賴焉

端木賜字子貢衛人贈黎侯

謙德知二 器實瑚璉 動必幾先 孰並其辯

一使存魯 五國有變 終相其主 譽處悠遠

卜商字子夏衛人贈魏侯

文學之目 名重一時 爲君子儒 作魏侯師

不可後禮 始可言詩 假蓋小嫌 聖亦不疵

林放字子丘魯人贈清河伯

禮之有本 子儀啓問 大哉斯言 光昭明訓

德輝泰山 誣祭莫奮 崇茲祀典 壺永令聞

樊須字子遲齊人贈樊伯

養才以道 聖人兼濟 始謂不仁 問鮑良喜

寓志農圃 似睽仁義 學稼之辭 豈姑捨是

澹臺滅明字子羽武城人贈江伯

惟子有道 天與異容 狀雖云惡 德則其豐

南止江淹 學者雲從 取士自茲 貌或非公

曾參字子輿南武城人贈郝伯

夫孝要道 周訓群生 以綱百行 以通神明

因子侍師 荅問成經 事親之實 代爲儀刑

公冶長字子長齊人贈呂伯

子長宏度 高出倫輩 雖在縲紲 知非其罪

純德備行 夫子所采 以子妻之 尤知英傑
公西蔵字子上魯人贈祝阿伯

猗尔子上 魯邦之望 以德則貴 惟道是唱
師聰師明 友直友諒 伯於祝阿 儒風斯暢

原憲字子思魯人贈原伯

軾彼窮閭 達士所賓 邦無道穀 進退孰倫
敝衣非病 無財乃貧 賜雖不悛 清節照人

有若字子有魯人贈卞伯

人稟秀德 氣貌或同 而子儼然 溫溫其容
兩端叢問 未若機鋒 以禮節和 斯言可宗

鄭國字子徒魯人贈榮陽伯

伯夫榮陽 實惟令德 優入聖門 過不留跡
道以目傳 妙則心識 倚歎偉歎 後代之則

商澤字子季魯人贈睢陽伯

邈矣子季 睢陽是伯 屏息受業 延教登席
未踐四科 困涉六籍 祀典載之 好是正直
秦非字子之魯人贈汧陽伯

樂善拒士 伯于汧陽 傳道克正 垂名久臧
執德以洪 用心必剛 表廣業履 式贊素王
曾蔵字垢魯人贈宿伯

惟時義方 有子誠孝 怡怡聖域 俱膺是道

暮春舞雩 詠歌至教 師故與之 和悅宜召

巫馬施字子旗魯人贈鄒伯

天清日明 密雨曷有 師命持蓋 子亦善扣

惟夫子博 三才久究 學者之樂 所得遂茂

公指哀字季次齊人贈鄒伯

周襄僞隆 政在群公 廉恥道微 家臣聿崇

不爲屈節 撝默自容 子於是時 凜然清風

漆雕徒父字子期魯人贈須句伯

遐想子期 挾策聖帷 涉道是嗜 惟士可縻

在德既賢 在名迺垂 洋洋之風 逮今四馳

顏孫師字子張陳人贈陳伯

念昔顯孫 商德與隣 學以干祿 問以書紳

參前倚衡 忠信是遵 色取行違 作戒後人

高柴字子羔衛人贈其伯

婉彼子羔 受業先聖 宗廟之問 一出乎正

克薦於孝 非愚乃令 師知其生 有輝賢行

榮旂字子祺魯人贈雩婁伯

伯茲雩婁 務學實著 三千之位 七十是預

匪善莫行 惟德乃據 紀于前書 式彰厥譽

秦祖字子南秦人贈少梁伯

秦有子南 蜚聲述作 守道之淵 成德之博

龍若鑄金 契猶蒺藜 庶世明祀 少梁寵爵

陳亢字子禽陳人贈穎伯

惟禽之問 從容其鯁 求以異聞 詩禮云爾

請一得三 誠退而喜 且知將聖 不私其子

梁鱣字林魚齊人贈梁伯

室家壯年 無子則逐 見於信史 全齊之俗

原本厥初 師言可復 以學則知 揆之宜薦

冉孺字子魯魯人贈紀伯

紀伯子魯 聖學是務 厲己斯的 好問乃裕

周旋中規 容止可度 允矣昔賢 後世所慕

顏之僕字林魯人贈東武伯

賢行顏林 親承尼父 志銳所期 道尊是輔

泥在鈞陶 木就規矩 終縻好爵 揚名東武

石作蜀字子明秦人贈石邑伯

在昔石邑 能知所尊 懋依有德 克述無言

鼓篋槐市 揚名里門 此道久視 彼美長存

顏高字子驕魯人贈琅邪伯

琅邪之伯 其惟子驕 微言既彰 德音孔昭

已觀雲舞 同聽齊韶 應千百祀 敢想高標

邦巽字子斂魯人贈平陸伯

彼美邦子 先聖是承 塙仍已及 堂陛將升

良玉斯琢 寒水必冰 錫壤平陸 茂實壽騰

任不齊字選楚人贈任城伯

任城建伯 其表曰選 淋間雅馳 才華清遠

競展力行 愛日龜勉 孔教崇崇 令緒顯顯

顏無繇字路魯人贈杞伯

人誰無子 不嗣標奇 行為世範 學為人師

請車誠非 願匪其私 千載之下 足以示慈

曹卣字子循蔡人贈曹伯

肅肅曹伯 王室之裔 積習樂道 切瑳明義

惟善則主 尔德是類 史筆有煥 令名永紀

縣成字子祺魯人贈鉅野伯

至聖立教 子祺安雅 擅譽魯邦 啓祚鉅野

煒矣風猷 時哉用捨 出倫離類 後學是假

顏曾字子聲魯人贈朱虛伯

褒錫朱虛 在器輪輿 儒室振領 聖門曳裾

賢業得蘊 美材以擲 百世不刊 載觀成書

孔忠字子茂魯人贈汶陽伯

惟子挺生 道德之門 佩服至論 鯉則弟昆

三得三亡 所問殊溫 君子歸必 義不掩恩

狄黑字哲衛人贈臨濟伯

仰止狄哲 抱負淵通 游泳德化 揚厲素風

偉識既異 持教乃隆 厥志茂焉 忘祀無窮

漆雕哆字子斂魯人贈武城伯

子斂受封 爰居武城 壘壘其聞 翩翩其英

握衣時習 頗學日明 誣敷孔教 爵里疏榮

申振字子續魯人贈魯伯

剛毅近仁 志操莫洵 性匪祝鮀 面豈子都

有一於此 剛名可圖 云慾則柔 蓋生之徒

壤駟赤字子徒秦人贈北微伯

式是壤伯 昭乎聖徒 執經請益 載道若無

詩書規矩 學問楷模 得時而駕 領袖諸儒

施之常字子恒魯人贈乘氏伯

開國乘氏 有德斯彰 參稽百行 贊理三綱

自拔行間 榮名甚光 在史諒藹 應久弥芳

公祖句茲字子之魯人贈期思伯

惟彼子之 錫伯期思 與賢並進 得聖而師

彬彬雅道 翼翼令儀 上目至言 廟食不隳

伯虔字子折魯人贈聊伯

有懷子折 全魯之彥 儒行既名 聊伯乃建

競競受道 奕弈義弁 懿選嘉訪 世享馨薦

南宮括字子容魯人贈郊伯

先覺既位 簪履並馳 尚德君子 尔乃兼之

羿昇可慚 禹稷可師 三復此道 載觀白圭

公孫龍字子石楚人贈黃伯

黃伯著祀 公孫是云 弥縫中道 協輔斯文

歲修方異 漸漬其勤 史詞不忘 播爲清芬

廉絜字庸衛人贈莒父伯

兄弟之邦 士有廉庸 涵泳素教 表揭儒宗

杏壇探賸 洙泗從容 作興一時 莒父其封

林仲會字子期魯人贈瑕丘伯

瑕丘祚邑 子期是爲 親訓有日 廣業于時

四教允隆 五常以持 比肩俊傑 聞望斯垂

商瞿字子木魯人贈蒙伯

易之爲書 彌合天地 五十乃學 師則有是

子能受授 洗心傳世 知機其神 宜被厭祀

司馬耕字子牛宋人贈向伯

手足甚親 志異出處 雖將爲亂 子廼脫去

在汚能絜 危而有慮 內省若斯 何憂何懼

蘧瑗字伯玉衛人贈衛伯

有衛伯玉 夫子與居 寡過未能 荇蕢使乎

以屍諫君 友則史魚 果得進賢 爛然簡書

公西赤字子華魯人贈郈伯

學者行道 敝緼亦稱 使齊光華 偶爲肥輕

周急之言 君子所令 荅問允嚴 理皆先經

公伯僚字子周魯人贈任伯

人有賢否 道有廢興 子如命何 營營震驚

季孫雖裁 景伯莫平 師資一言 秩祀亦懲

漆雕開字子開魯人贈滕伯

仕進之道 要在究習 具臣而居 咎欲誰執

斯未能信 謙以有立 闕里說之 多士莫及

密不齊字子賤魯人贈單伯

君子若人 單父之政 引肘寤君 放魚稟令

傅郭勿穫 遂能制命 百代理邑 用規觀聽

燕伋字思秦人贈漁陽伯

師席高振 大成是集 至道克傳 賢達斯執

善之云表 儒風可立 漁陽之士 得政而及

申黨字周魯人贈邵陵伯

仇仇申周 四科與傳 逸駕文圖 鼓柑儒流

冠珮既燕 言動允休 祁陵得封 可想清修

琴牢字子開衛人贈南陵伯

多能郵事 聖人曲意 惟其知之 是以不試

宗魯雖友 弔必以義 尚師嘉言 祀亦罔替

秦商字子丕楚人贈上洛伯

孔父秦父 相尚以力 俱生賢嗣 相與以德

是父是子 致詰疇克 會弁儒林 令名無極

步井乘字子車齊人贈淳于伯

勉勉子車 封邑淳于 親炙避席 雅諾趨隅

發微既博 雅道是扶 抑可尚也 不亦美乎

顏宰字子柳魯人贈蕭伯

孰封于蕭 實惟子柳 夙飭格言 克遵善誘

明德斯馨 賢業所就 以侑於儒 傳芳逾茂

奚容蒧字子指魯人贈下邳伯

雅容子蒧 已望堂室 幼則有造 成則祖述

文采日化 儒効力弼 永觀厥成 德音秩秩

冉季字子產魯人贈東平伯

東平子產 性著盛時 奉師於塾 講道之微

若問其敏 婉妙以思 升降陞廉 尚想英姿

后處字子里齊人贈營丘伯

溫溫子里 入閭至聖 擇道之華 秉德之柄

深造闡城 不乖言行 全齊之封 竹素為盛

左人郢字行魯人贈臨淄伯

伯彼臨淄 左行稱賢 踰蹤十指 秀穎三千

心悅誠服 家至戶傳 樂只君子 文聲益宣

秦冉字開蔡人贈彭衙伯

彭衙高士 經籍是親 贊成德藝 協於壽倫

底績聖道 斯肖素臣 優哉游哉 學以致身

樂欽字子聲贈昌平伯

樂氏子聲 錫爵昌平 信道之萬 見善乃明

引領高節 載惟思誠 先賢事集 出為時英

右宣聖及七十二弟子贊宋高宗製并書其像則李

龍眠廬所畫也高宗南渡建行宮于杭紹興十四年

正月始即岳飛第作太學三月臨幸首製先聖贊後

自顏淵而下亦誤辭以致褒崇之意二十六年十二

月刻石于學附以太師尚書左僕射同中書門下平

章事兼樞密使秦檜記檜之言有曰孔聖以儒道設

教弟子皆無邪雜背違於儒道者今搢紳之習或未

純乎儒術顧馳狙詐權誦之說以僥倖於功利其意

蓋爲當時言恢復者發也嗚呼靖康之禍二帝蒙塵汴都淪覆當時臣子正宜枕干嘗膽以圖恢復而槍力主和議攘斥衆謀盡指一時忠義之言爲狙詐權譎之論先儒朱熹謂其倡邪說以誤國挾虜勢以要君其罪上通于天萬死不足以贖者是也昔龜山楊先生時嘗建議罷王安石孔廟配享識者避之訥一介書生幸際聖明備員風紀茲於仁和縣學得觀石刻見槍之記尙與圖贊並存因命磨去其文庶使邪說之說姦穢之名不得廁于聖賢圖像之後然念流傳已久謹用備識俾後覽者得有所考云

宣德二年歲在丁未秋七月朔巡按浙江監察御史海虞吳訥識

教諭林賢訓導劉數摹勒于石

右孔子并七十二弟子像上有宋高宗贊附以尙書左僕射同中書門下平章事秦檜記不知何人書槍所謂搢紳之習或未純乎儒術顧馳騁狙詐權譎之說以徵幸於功利蓋指當時言恢復者昔齊襄公復九世之讎春秋大之則夫言恢復者未必與孔子異意也詎可一切以功利目之乎槍作此記時距其卒僅七十六日其罔上誣民之心至死而不已也今其

說猶與圖贊並存口口出之以俟覽者詳焉

金華黃晉卿識

右宣聖及七十二子像贊史記載孔子之言曰受業

身通者七十有七人其姓名具于列傳家語所載亦

七十七人無公伯僚秦冉鄒單而有琴牢陳亢縣夏

惟文翁禮殿圖作七十二人而圖亦罕傳林放蘧瑗

二人史記家語不載而禮殿圖有之其宅不可知矣

攷舊唐書禮儀志載開元二十七年制贈公者一人

侯九人伯六十七人與史記七十七人之數合然杜

氏通典載諸賢封號則贈伯者實七十二人

文獻通考云

典所載除十哲外自計七十三人係增入蓋擬林放

考云通

陳亢申振琴牢琴張六人按琴牢琴張本一人通典

於琴張云贈南陵伯於琴牢但

云贈伯而無地名蓋重出也蓋十哲之外別有七

十二賢兼史記家語禮殿圖所互見者而數之也宋

大中祥符二年追封閔子以下九人爲公曾子而下

六十二人爲侯并充國公爲七十二弟子大觀二年

追封公夏守等十人侯爵預祀典則仍別七十二賢

子十哲之外矣思陵撰七十二子贊較之祥符所追

封多廉潔秦商后處樂欽少公良孺勾井疆顏何公

西與如不知又何所據諸賢在宋時已經加封而所

書仍唐之爵號朱文公嘗言之矣夫治國固有緩急思陵偏安兩浙稱臣于仇讐正復崇儒重道亦何足

掩不孝之名則數典而忘祖又在所不足責而如秦

檜之姦邪無學亦豈能援引典故以證人主之誤哉

碑立于紹興二十六年十二月明宣德二年巡按浙

江監察御史吳訥磨去檜跋自爲文識其本末

堂金

七十二弟子姓氏爵里異曰攷

顏回字子淵魯人贈充公

閔損字子騫魯人贈費侯

冉雍字仲弓魯人贈薛侯

冉耕字伯牛魯人贈鄆侯

冉求字子有魯人贈徐侯

言偃字子游吳人

宰予字子我魯人贈齊侯

仲由字子路卞人贈衛侯

端木賜字子貢衛人贈蔡侯

卜商字子夏衛人贈魏侯

林放字子邱

樊須字子遲齊人

伯

澹臺滅明字子羽武城人贈江伯

曾參字子與南武城人

公冶長

同

公西蒧

如字

祝阿

原憲

有若

鄭國

商澤

秦非

曾蒧

伯

巫馬

人贈

公皙

漆雕

云字

顓孫

高柴字子羔史記作子巢衛人本史記鄭注家語作齊人朱考云齊人為衛士師

贈共伯

榮旂家語作旂字子祺家語作子祺魯人贈雩婁伯

秦祖字子南秦人贈少梁伯曲阜碑無少字咸淳臨安志作沙梁伯

陳亢字子禽家語又云字子亢陳人贈穎伯說文云論語有陳伉

梁鱣史記云一作梁鯉咸淳淳志云梁仲一云鱣字叔魚曲阜碑字子魚咸淳志云字子免一

魚齊人贈梁伯贈趙伯朱考云

冉孺曲阜碑作孺字子魯家語作子魯史記云一作子魯魯人

贈紀伯

顏之僕字叔家語曲阜碑朱考俱作子叔魯人贈東武伯

石作蜀家語作子蜀字子明秦人史記鄭注作成紀贈石

邑伯

顏高家語名產今本家語作顏刻字子驕魯人贈琅瑯伯

邾異家語作邾邾注云文翁圖作國選盛亦避漢諱改之劉氏作邾異字子欽家語作子

魯人贈平陸伯

任不齊字選家語曲阜碑朱考並作子選楚人贈任城伯

顏無繇字路曲阜碑作子路魯人贈杞伯

曹卣字子循蔡人贈曹伯曲阜碑作魯伯

縣成字子祺本史記家語作子祺

顏噲字子聲魯人贈朱虛伯

孔忠家語作孔弗字子蔑魯人贈汶陽伯

狄黑字皙家語作皙之曲阜碑朱考俱作子皙衛人曲阜碑作魯人

漆雕哆字子欽曲阜碑作子欽魯人贈武城伯

申振字子績魯人贈魯伯咸淳志贈阿伯

壤駟赤字子徒家語作子徒秦人贈北微伯曲阜碑作化微伯朱考作

北衛

施之常字子恒家語作子常魯人贈乘氏伯

公祖句茲家語作公祖字子之魯人贈期思伯

伯虔家語作伯虔字子析家語作子析魯人贈聊伯咸淳志作子哲

志作

南公括本史記家語曲阜碑朱考俱作南宮緡咸淳志作字子容魯人贈邾

伯

公孫龍家語作公孫字子石楚人本史記鄭注孟子注作趙人家語作衛人贈黃

伯

廉絜宋考作廉潔字庸家語作子庸咸淳志朱考俱作子庸衛人贈莒父伯

叔仲會字子期魯人本史記鄭注作晉人贈瑕邱伯

商瞿字子木魯人贈蒙伯

司馬耕家語作司馬字子牛咸淳志云字牛宋人贈向伯

蓬瑗字伯玉魯人曲阜碑作衛人贈衛伯朱考不列姓名謂孔子嚴事之友不復著錄恐滋後學之惑也

後學之惑也

公西赤字子華魯人贈邵伯

公伯僚史記作公伯繇或云即申繇曲阜碑咸淳志俱作寮字子周魯人贈任

伯

漆雕開字子開本史記家語曲阜碑朱考俱作子若魯人本史記鄭注家語曲阜碑

宋考俱贈滕伯

密不齊字子賤魯人贈單伯

燕伋家語曲阜碑朱考俱作子思字思秦人詳里居贈漁陽

伯

申黨本史記曲阜碑同家語作申續或作續史記正義云或作棠即申根朱考亦作棠字周

俱家語曲阜碑魯人詳里居贈邵陵伯按前有申振字

字周家語但有申續字子周而無申振續云申黨

史記作申棠家語作申續然則申振申黨子續子周

實皆一人矣又按後漢王政碑云有羔羊之象無申棠之欲是亦申棠即申振之證

琴牢字子開家語云一衛人贈南陵伯

秦商字子丕本史記家語楚人朱考俱作魯人

步叔乘本家語史記廣韻注字子車齊人贈淳于伯

顏幸字子柳魯人贈蕭伯朱考作

奚容蒧家語作字子皙家語作魯人史記正義子偁

冉季字子產魯人贈東平伯

后處家語作字子里家語作齊人贈營邱伯

左人郢家語作字行家語朱考俱作子衡魯人贈臨淄

伯

秦冉字闕曲阜碑朱考蔡人詳里居贈彭衙伯

樂欬家語作字子聲碑不詳里居史記正義朱考俱作魯人

右弟子七十二人家語無林放鄭國蘧瑗公伯僚

秦冉申根六人而有公良孺罕父黑薛邾縣亶原

抗公肩公夏守句井疆顏相九人又公西蒧之外

多公西輿如一人又史記有顏何字冉索隱引家

語字稱史記康成注晉人曲阜碑有顏何字子冉

魯人贈開陽伯又曲阜碑有公良孺字子幼魯人

贈東牟伯句井疆字子野衛人贈漢陽伯

按此碑十五石像贊俱橫列像右贊左宋時與石

經同在太學明正德年與石經同移於仁和縣學

後移杭州府學 大清順治九年歲在壬辰十月

朔杭州府儒學教授西荅王元宰捐資重立蓋豎

固輯有題記在吳訥跋後至今不遭損蝕者皆元

宰之功也像為李公麟畫史傳稱公麟字伯時舒

州人第進士歷泗州錄事參軍用陸佃薦為中書

門下後省刪定官御史檢法元符三年病痺致仕

既歸老肆意於龍眠山巖壑雅善畫黃庭堅謂其

風流不減古人然因畫為累此碑吳訥跋所云李

龍眠麀所書龍眠是其自號麀則單舉其名一字

而省其公字也公麟致仕於元符三年則當卒于徽宗之世距高宗題贊刻石不過五十餘年殆由畫像流傳江南高宗得而製贊以刻石也然高宗製贊並不言及公麟之畫或其語在秦檜記中今檜記磨去不可知矣像祇七十二人每像所題贈爵皆仍唐開元之舊則宜依唐封七十七人之數而乃少五人且又與真宗祥符製贊立石曲阜之數不合誠不能明其故也孔子弟子見於諸書者上自史記家語禮殿圖通典通考其製贊立石者先有真宗曲阜孔廟碑而此碑之見於紀載者有成淳臨安志及杭州府志然其姓名字里贈爵皆各有不同今悉取而叅攷之別爲同異考一篇附于諸書碑跋之後大抵諸書所載不能無傳寫之訛曲阜碑雖係石刻亦明人重摹此碑或亦不免沿襲舊誤皆不能定其孰是也龍眠畫世有摹本細筆鈎勒裝成卷子矜爲真蹟細玩之似皆從此碑摹出者此碑在當時或從真蹟鈎摹或徑用真蹟上石皆不可知樂欬贊後有御書之寶并勒于石而不署年月吳訥所云二十六年十二月者殆

亦在檜記中也

妙喜泉銘

碑高一丈三尺廣五尺三寸十二行前銘九行行二十四字後銘三行行四十字行書在鄞縣阿育王寺常住田碑陰

育王爲浙東大道場地高無水僧衆苦之紹興丙子佛日禪師杲公受請住持周旋其間命僧廣募穿穴茲地爲一大池鍤鑄一施飛泉溢涌知州事姜公秘監見而異之名曰妙喜無垢居士爲之銘曰

心外無泉泉外無心是心卽泉是泉卽心或者疑之以問居士心在妙喜泉是育王云何不察合而爲一居士曰來汝其聽取妙喜未來泉在何處妙喜來止泉卽發生心非泉乎泉非心乎謂余未然妙喜其史之

紹興丁丑三月丙寅無垢居士張九成書

妙喜老僧宗杲重說偈曰

謂泉卽心謂心卽泉無垢居士作一串穿有出有入有正有偏居士恁麼妙喜不然徐六檐板如見一邊泉只是泉難喚作心心只是心決定非泉是義不正亦復不偏泉乎心乎亦非棄捨擬議思量十萬八千

山門監寺僧善卿立石

右妙喜泉銘張無垢撰後有宗杲說偈一首皆無垢

書也宗杲說法徑山無垢數與往來嘗論大學格物

杲曰公祇知有格物不知有物格無垢言下有悟因

題不動軒壁曰子韶格物妙喜物格欲識一貫兩箇

五百杲深許可秦檜恐其議已令司諫詹大方論劾

寬杲衡陽安置張於南安軍檜死乃復杲師號住四

明育王寺而張亦起知温州此杲正宗杲在育王所

鑿也杲少為無盡居士張天覺所知名其庵曰妙喜

遂以妙喜自號孝宗嘗書妙喜庵三字賜之故茲泉

亦有妙喜之目碑刻於唐范的書常住田碑之陰潛研

堂金石
文跋尾

按碑書於丁丑三月為紹興二十七年宗杲與張

九成以禪學相契合徑山志載宗杲寄無垢居士

一絕云上苑玉池方解東人間楊柳又垂春山堂

盡日焚香坐常憶毘邪杜口人

亦樂堂銘

石橫廣四尺四寸五分高二尺二寸十二行行十字正書在零陵縣廟陽岩

亦樂堂銘

揚雄有言朱丹其轂一敗則赤吾族孔子曰雖在縲紲

之中非其辜也夫丹轂榮也雄目為憂縲紲辱也聖迺

有取憂樂豈關於榮辱也哉上饒方疇耕道建炎戊申

銓同季進士也與戊午又同朝是季冬銓目狂瞽被

譴而耕道旋亦去國十有四季而通守荃岡平谿蠻三

十季之寇乙亥目疏直忤要臣被逮賴上恩寬謫零陵

久之名其堂曰亦樂禮部侍郎張公子韶記之戊口口

廬陵胡銓感仲丘子雲之言而申目銘銘曰

較丹族赤縲紲不辱陋巷易安鬼瞰高屋蘇補食前患

靡覆餗眉斧伐性妙口獨宿熟哲茲理至樂常口我恩

古人自反而縮

按此銘胡銓所作不見於濟庵文集周必大撰忠

簡公神道碑稱公年二十試太學建炎二年廷對

行在所考官初以冠多士或畏其切直寘第五卽

碑所云建炎戊申銓同年進士也戊申為建炎二

年紹興和議公上書數千言大略謂王倫誘致金

使欲劉豫我秦檜腹心大臣尊陛下為石晉孫近

傳會遂參政事願竿三人頭羈留金使與問罪之

師時八年十一月也辛亥有旨銓書凶悖劫持其

削籍流昭州後改監廣州都鹽倉卽碑所云紹興

戊午冬銓以狂瞽被譴也方疇史無傳張子韶名

九成除浙東提刑力辭與祠以歸未幾召除宗正

少卿權禮部侍郎碑書紹作繁別體字戊口口據

上文耕道以乙亥被逮則此當是戊寅爲紹興二
十八年

澗山普光王寺捨田碑

碑高三尺許廣二尺四寸分上下二截上截又分三
格橫列號田畝數左右下橫刻所至處下截刻捨田
情旨一通文廿五行行廿三四字不等額題吳興沈
君捨田院七字並正書在青浦縣澗山會靈三姑廟
殿左壁與會靈廟記碑兩
背相合此碑牆外東向

係三十五號田一十七畝三角五步 草蕩 此在
第一格

係三十四號田計八十畝三角五步 此在
第二格

係三十三號田一百五畝三角二十步 此在
第三格

西至竟浦 此在第一二格
之間左邊一行

東至口口 此在第一二格
之間右邊一行

水瀼 此在第三格
左邊一行

史伯成田 此在第三格
右邊一行

北至水瀼 此在第三格下橫
以上俱上一截

捨田入

澗山普光王寺常住情旨 承節郎沈從言謹封

南贍部洲大宋國平江府崑山縣泖川鄉大石浦西居

住清信奉三寶弟子承節郎沈從言同男將仕郎履息

婦高氏四六娘陳氏五十四娘陳氏廿一娘吉氏四八

娘孫男右修職郎起宗將仕郎佐才將仕郎作德承信

郎作義將仕郎林宗作霖希旦嗣宗朝宗儒宗希召作
伴錢氏廿二娘方氏十四娘與闔家眷屬等
右從言所伸情旨二月十六日恭值

先妣太君朱氏遠諱之辰特發誠心謹將本家產田式
伯肆畝一角三十步其田係在秀州華亭縣修竹鄉四
十三都坐落所有坵片字號渭段並在契約該說其田
今將捨入

澗山普光王寺常住永充供贍俾僧行齋粥香火焚修
所得功德先用報答

四恩三有莊嚴

無上佛果菩提冀報

亡太翁十二承事太婆鍾氏夫人亡翁廿五承事婆呂
氏夫人亡考三承事妣朱氏太君劉氏顏氏太君亡兄
十一承事大承事娘郁氏太君亡妻周氏太君亡男廿
三司戶廿五縣尉廿八承信三十承信亡女二十娘子
廿五娘子息婦吉氏三九娘子鄭氏九九娘子亡沈氏
六娘子曹氏十一娘子龔氏六娘子盡
門中前亡後化一嗣宗親各願同乘巨善俱遂超升不
入輪迴徑歸極樂然後保祐門闡益秀物業榮昌子孫
傳積慶之風眷愛納自天之祐以至法界有情同霑斯

利從言恭對

金僊敷宣謹疏

紹興貳拾捌年二月 日承節郎沈從言押疏

頭首智肱 定行 知事惠生 有平 道詮

住持傳法道智立石

以上俱下一載

按此碑額題吳興沈氏捨田疏捨田者為沈從言

住崑山縣額稱吳興者其望也碑載捨田分三號

合計其田二百二畝九角三十步然其情旨內則

云本家產田二百四畝一角三十步田以步計似

卽今以弓計之制每一步為一弓也然今制每積

弓二百四十為一畝不盈畝者則以所餘弓尺畸

零之數用分釐計之未嘗云餘幾弓也此宋制不

能詳攷而其以角計亦未曉其制其碑載田數前

後不合亦所未詳也情旨云其田在秀州華亭縣

修竹鄉四十三畝宋地理志宣和三年改嘉禾郡

為秀州慶元元年升嘉興府而華亭縣則屬之入

矣此碑刻于紹興二十八年宜為秀州也紹熙四

年楊潛雲間志華亭管十三鄉第三為修竹鄉在

縣西九十里三保十二村管里三曰濮陽儀鳳驛

塘而不詳四十三都華亭縣志沿革表明嘉靖二

十二年割縣西北境二鄉之半為青浦縣尋廢萬

歷元年復割置青浦縣而不詳所謂二鄉者何鄉

其鄉保卷內則已不載修竹鄉可知修竹鄉屬之

青浦雲間志十三鄉在縣西北者為集賢鄉海隅

鄉在縣西者為修竹鄉華亭志鄉保仍載集賢而

不載海隅又可知集賢雖在西北仍屬華亭惟海

隅當屬青浦矣青浦志鄉保最為詳晰有舊時鄉

保現在鄉保參攷之舊時者有修竹鄉分中鄉上

鄉上鄉內有四十二保三區為畧五現在者則有

華上鄉四十二保三區分五畧曰三畧七畧九畧

十一畧十五畧而七畧內有澱山小圩胡家帶朱

家村北夏村疑所謂澱山小圩朱家村卽今珠街

鎮澱山一帶則現在之華上鄉卽舊時之修竹鄉

也沈氏捨田在修竹鄉當近澱山因以施之普光

王寺俾其便於收穫也情旨內自稱其階曰承節

郎男為將仕郎孫男為右修職郎將仕郎承信郎

又稱太翁太翁太翁考太翁兄俱為承事太翁則稱

其官為司戶縣尉又有稱承信者宋史職官志載

右職換文資之格從事修職換成忠郎未滿三考

保義郎遇功郎換承節郎未滿三考承信郎將仕

郎換承信郎保義郎換修職郎承節承信郎換迪
功郎進義校尉換將仕郎登仕將仕郎換承信郎
未見有所謂承事者又修職亦未有加右字者碑
所載諸階大率不過稱謂之美名未必皆實居其
職而其爲史志所未備者則亦可資參攷也曾祖
曰太翁曾祖妣曰太婆皆塋見此碑其稱婦人曰
幾十幾娘亦有稱四六娘四八娘三九娘子九九
娘子省去十字者又從言現在只一男履而現在
息婦有高氏陳氏陳氏吉氏亡男四人而亡息婦
有吉氏鄭氏鄭氏之下有亡沈氏曹氏龔氏但有
亡字而無稱謂皆所未詳也普光王寺賜額在紹
興八年沈氏施田距賜額後二十年蓋其時此寺
方興也沈氏先世本出吳興爲湖州之望族其遷
居崑山不知始於何代据此碑則在南宋時已富
而多田絲延至二三百年之久其後人有號萬三
者值明洪武時太祖遷東南富戶于鳳陽沈氏與
焉故其後遂微所謂萬三蓋有田多至一萬三百
頃是以施田至二百餘畝不覺其多也所居泖川
鄉瀕臨澱湖今地名萬圩相傳卽萬三遺蹟然流
俗傳聞不若碑之有據此碑依傍靈祠足垂不朽

而僻在草莽無人著錄今剔抉出之俾其先世祖
孫兄弟銜名從此顯著是亦施田之報矣

四十二章經

石七俱胝廣四尺高一尺五寸三分前二石各三十
四行餘皆三十五行每行字數十四至十八不等行
正書在杭
州六和塔

四十二章經

經文不錄今惟取
書人銜名錄如左

特進尙書左僕射同中書門下平章事吳興郡開國
公沈該

左正奉大夫守尙書右僕射同中書門下平章事縉

雲郡開國公湯□□

左中大夫知樞密院事陳誠之

左中大夫參知政事陳康伯

左太中大夫同知樞密院事王綸

左太中大夫權吏部尙書賀允中

左朝請郎試尙書吏部侍郎兼史館修撰兼侍講葉

義問

左朝請大夫試尙書兵部侍郎兼侍講兼直學士院

楊椿

左朝散郎試給事中兼直學士院兼同修國史周麟

之